

so brauch hikige Del/als öl von Sibernail/de Irino, Camillenöl/vnd gute Balsam. Olea ca-
lida.

Aber hie muß man immerzu das ein Aug auff die Kräfte der Kranken haben/das ander auff die Hülff/damit man ja die Kräfte erhalt/dieselbig labe/erquick vnd bekräftige/sonsten ist es auß. Wolt Gott/ich könt diesem elenden Jammer mehrers vnd bessers rathen/aber Gott muß sein Macht vnd Krafft hie augenscheinlich selbst barmherziglich mittheilen. Menschliche Hülff gehen vff stelken / sie heissen wie sie wollen / so gelten sie so viel als sie mögen. Dann der Will Gottes ist einmal/sterben. Vor al-
lem der
Kranckē
Kräfte in
acht zu-
nehmen.

Von Verlierung vnd Wiederbringung der Kräfte.

CAP. XIII.

In folget weiter von verlierung vnd Schwachheiten der Kräfte des Leibs/welchs schier die Gefährlichste Zufall in diesem Fieber seyn/nemblich/animalis, spiritualis & vitalis. Wie die
Kräfte zu
wider-
bringen.
Dann die Krafft vnd Macht des Lebens durch dieses Fiebers grausame His/Fäul vnd anders/ganz vnd gar von seinen Kräften kome/vnd grossen Zwang vnd Mangel leiden muß / die Geister erhizen vnd fahren auß/die Glieder werden beraubet ihrer Nahrung/vnd durch solche anfallende vergiffte Bosheit der Luft vnd schädlichen Fäulungen/auch vnnatürlichen Säften verhindert/verwechselt vnd an ihren qualiteten/Krafft vnd Wirkung mancherley weiß verderbt vnd ganz außgeschöpfft. Derhalben wo diese Schwachheit der Kräfte also erfolgen/entgangen/zerrüt seyn/es sey gleich ex resolutione spirituum, daß sich die Geister verlieren/verschwinden/oder sonst verzehret oder verderbt werden : oder an faulen/stinckenden/vnnützen humoren vnd an erhaltungen der Natur Mangel ist/vnd der Natur etwas widerwertigs zugestanden vnd entzogen worden/da soll man baldt vnd eilendts guten Fleiß fürwenden / wie man solchs verlohrens/verderbtes wesen/das ist/substantiam ipsam des Dings/das der Natur entgangen/widerbringe vnd wider erstatte/erquick vnd mehre. Daher gehören Speiß vnd Nahrung/so leicht zu verdawen seynd/eines guten Saffts vnd Geschmacks. Refectio-
ria.
Vnd das sollen gute saubere wolgeschmackte

H iij

Süß